

CJARTE EUROPEANE DES LENGTHIS REGJONÂLS O MINORITARIIS

Preambul

I Stâts membris dal Consei de Europe e che a ìn firmât cheste cjarte,

Considerant che il fin dal Consei de Europe al è chel di realizâ une union plui strente tra i siei membris, in specie cul fin di protezi e promovi ideâi e principis che a son il lôr patrimoni comun;

Considerant che la protezion des lengthis regionâls o minoritariis storichis de Europe, che cualchidune di chêes e riscje cul passâ dal temp di discomparî, e jude a mantignî e svilupâ lis tradizions e la ricjece culturâl de Europe;

Considerant che il dirit di doprâ une lenghe regionâl o minoritarie, sedi inte vite privade che in chê publiche al è un dirit inalienabil che al va daûr dai principis contignûts tal Pat internazionâl sui dirits civii e politics des Nazions Unidis e daûr dal spirt de Convenzion pe protezion dai Dirts dal Om e des Libertâts fondamentâls dal Consei de Europe;

Tignint cont dal lavôr fat inte suaze de CSCE e in particolâr dal At finâl di Helsinki dal 1975 e dal document de riunion di Copenhagen dal 1990;

Marcant il valôr dal interculturalism e dal plurilinguisim, e considerant che la protezion e l'incoragjament des lengthis regionâls e minoritariis nol varès di gjavâ nuie aes lengthis uficiâls e ae necessitât di imparâlis; Cussaints dal fat che la protezion e la promozion des lengthis regionâls e minoritariis intai differents stâts e regions de Europe a representin un impuantant contribût par fâ sù une Europe fondade sui principis de democrazie e de diversitât culturâl, inte suaze de sovranitât nazionâl e de integratât teritoriâl;

Tignint cont des condizions specifichis e des tradizions storichis di ogni region dai Stâts de Europe,

A son dacuardi su chel che al ven daûr:

PART I Disposizion gjenerâls Art.1 Definizions

Secont cheste Cjarte:

- a) cun lis peraulis "lengthis regionâls o minoritariis", si intindin lis lengthis che a son:
 - i) dopradis in mût tradizionâl intun ciert teritori di un stât dai citadins dal stes stât che a formin un grup che par numar al è inferiôr al rest de popolazion di chel stât, e,
 - ii) differentis de(des) lenghe(is) uficiâls di chest stât;
par altri no cjapin dentri ni i dialets de (des) lenghe(is) ni lis lengthis dai migrants;
- b) cun "teritori dulà che une lenghe regionâl o minoritarie e je doprade", si intint la aree gjeografiche dulà che cheste lenghe e je il mieç di espression di un numar di personis che al justifichi la introduzion di misuris differentis di protezion e promozion previodudis in cheste Cjarte;
- c) cun "lengthis cence teritori", si intindin lis lengthis dopradis dai citadins dal Stât che a son differentis de(des) lenghe(is) doprade(is) dal rest de popolazion dal stât ma che, se ancje dopradis in mût tradizionâl intal stât, no si pues leâlis a une aree particolâr.

Art. 2 Impegns

- 1) Ognidune des Parts si impegne a meti in vore lis disposizions de part 2 a dutis lis lengthis regionâls o minoritariis dopradis sul so teritori e che a van daûr des definizions dal articul 1.
- 2) Par chel che si inten a ogni lenghe indicade tal moment de ratificazion, acetazion o aprovaçion, seont l'articul 3, ogni Part si impegne a meti in vore almancul 35 paragrafs o sotparagrafs sielzûts tra lis disposizions de part 3 di cheste Cjarte, dulà che almancul 3 a sedin sielzûts in ducj e doi i articui 8 e 12 e un in ducj i cuatri articui 9, 10, 11 e 13.

Art. 3 Modalitâts di atuazion

- 1) Ogni Stât firmatari al à di specificâ tal so document di ratificazion, acetazion o aprovaçion, ogni lenghe regionâl o minoritarie, o ogni lenghe uficiâl mancul doprade in dut o nome une part dal so teritori, dulà che si metin in vore i paragrafs sielzûts daûr dal paragraf 2 dal articul 2.
- 2) Ogni Part e pues, in ogni moment seguitif, notificâ al Segretari Gjenerâl che jê e acete lis obligazions che a divegnin des disposizions di ogni altri paragraf de Cjarte che nol jere stât specificât tal so document di

ratificazion, acetazion o aprovazion o che jê e metarà in vore il paragraf 1 di chest articul a altris lengthis regionâls o minoritariis o a altris lengthis uficiâls mancul dopradis su dut o nome une part dal teritori.

3. I impegnis previodûts tal paragraf precedent a saran calcolâts tant che part integrant de ratificazion, acetazion o de aprovazion e a varan i stes efets començant de date de lôr ratificazion.

Art. 4

Statûts di protezion che a esistin

1) Nissune disposizion di cheste Cjarte no pues sei interpretade tant che limit o deroghe rispiet ai dirits garantîts de Convenzion Europeane dai Dirits dal Om.

2) Lis disposizions di cheste Cjarte no prejudichin lis disposizions plui favorevulis che a rezin la situazion des lengthis regionâls o minoritariis o il status juridic des personis che a fasin part des minorancis e che a esistin bielzà intune Part o che a son previodudis di pats internazionâi bilaterâi o multilaterâi al rivuart.

Art. 5

Oblics che a esistin

Nissune disposizion di cheste Cjarte e podarà sei interpretade tant che dirit di inmaneâ une calsisei atividât o di davuelzi calsisei azion che e ledi cuntri des finalitâts de Cjarte des Nazions Unidis o di altris oblics di dirit internazionâl, comprendût il principi di sovranitât o di integritât teritorial dai Stâts.

Art.6

Informazion

Lis Parts si impegnin a controlâ che lis autoritâts, organizazions e personis interessadis a sedin informadis sui dirits e sui dovêts disponûts di cheste Cjarte.

PART II

Obietîfs e principis metûts in vore daûr dal paragraf 1 dal articul 2

Art. 7

Obietîfs e principis

1) In fat di lengthis regionâls o minoritariis, tai teritoris dulà che chestis lengthis a son dopradis e daûr de situazion di ogni lenghe, lis Parts a tegnir tant che fonde de lôr politiche, de lôr legislazion e de lôr pratiche lis finalitâts e i principis che a vegnin daûr:

- a) il ricognossiment des lengthis regionâls o minoritariis tant che expression de riejece culturâl;
- b) il rispiet de aree gjeografiche di ogni lenghe regionâl o minoritarie procurant che lis divisions administrativis za in vore o gnovis no inderedin la promozion di cheste lenghe regionâl o minoritarie;
- c) la necessitât di une fuarte azion di promozion des lengthis regionâls o minoritariis cun chê di protezilis;
- d) facilitâ e incoragjâ l'ûs orâl e scrit des lengthis regionâls o minoritariis te vite publiche e in chê privade;
- e) mantignâ e disvilupâ relazions, tai cjamps comprendûts in cheste Cjarte, jenfri i grups che a doprin une lenghe regionâl o minoritarie e altris grups dal stes Stât che a fevelin une lenghe doprade in forme compagne o parele, e ancje instaurâ relazions culturâls cun altris grups dal Stât che a doprin formis differentis;
- f) proviodi formis e mieçs adats di insegnament e studi des lengthis regionâls o minoritariis in ducj i stadis adats;
- g) proviodi imprescj che ur permetin a chei che no fevelin une lenghe regionâl o minoritarie, e che a vivin tal teritori dulà che cheste e je doprade, di imparâle, se a vuelin;

h) promovi i studis e la ricerche su lis lengthis regionâls o minoritariis tes universitâts o istitûts ecuivalents;

i) promovi formis adatis di scambis transnazionâi, tai cjamps tratâts di cheste Cjarte, pes lengthis regionâls o minoritariis dopradis in forme compagne o parele in doi o plui Stâts.

2) Lis Parts si impegnin a eliminâ, se no lu àn za inmò fat, ogni distinzion, esclusion, restrizion o preference no justificate a rivuart dal ûs di une lenghe regionâl o minoritarie e che e vedi il fin di scoragjâ o di meti in pericul il so mantigniment o il so svilup. La adozion di disposizions speciâls a pro des lengthis regionâls o minoritariis par promovi la avualiance tra personis che a fevelin chestis lengthis e il rest de popolazion o che a tegnir cont des lôr particolârs situazions, nol è considerât at discriminatori cuntri di chei che a fevelin lengthis mancul dopradis.

3) Lis Parts si impegnin a promovi, mediant di misuris adatis, la comprehension reciproche tra ducj i grups linguistics dal paîs, in specialitât fasint di mût che il rispiet, la comprehension e la tolerance a rivuart des lengthis regionâls o minoritariis a figurin tra i obietîfs de istruzion e de formazion furnide tal paîs, e a incoragjâ i mieçs di comunicazion massive a rivâ al stes obietif.

4) Tal definî la lôr politiche a rivuart des lengthis regionâls o minoritariis, lis Parts si impegnin a cjakâ in considerazion lis dibisugnis e la volontât dai grups che a doprin chestis lengthis. Lis stessis a son incoragjadis

a immaneâ, se al è necessari, orghins cul incarghe di conseâ lis autoritâts in dutis lis cuistions a rivuart des lengthis regionâls o minoritariis.

5) Lis Parts si impegnin a meti in vore "mutatis mutandis" i princips indicâts tai paragrafs di 1 a 4 aes lengthis cence teritori. Par altri, tal câs di chestis lengthis, la nature e la dimension des misuris di cjoli par rindi efetive cheste Cjarte a saran determinadis in mût flessibil tignint cont des dibisugnis e de volontât e rispietant lis tradizions e lis carateristichis dai grups che a doprin lis lengthis in cuistion.

PART III

Misuris a pro dal ûs des lengthis regionâls o minoritariis te vite pubbliche, di cjoli in conformitât dai impegnis sotscrits daûr dal paragraf 2 dal articul 2

Art. 8

Istruzion

1) In fat di istruzion lis Parts si impegnin, tal teritori dulà che chestis lengthis a son dopradis, daûr de situazion di ogni lenghe e cence prejudizi pal insegnament de(des) lenghe(is) ufiçial(s) dal Stât, a:

a)

i) previodi une eduzion prescolâr proferide tes lengthis regionâls o minoritariis; o

ii) previodi che une part impuantant de istruzion prescolâr e sedi proferide tes lengthis regionâls o minoritariis; o

ii) meti in vore une des misuris previodudis tai ponts i) e ii) parsore reclamâts almancul ai arlêfs che lis lôr fameis lu vuelin e che il lôr numar al sedi calcolât suficient; o

iv) se i podêts publics no àn competence direte tal cjamp de istruzion prescolâr, facilitâ e/o incoragjâ la metude in vore des misuris previodudis dai ponts i) al iii);

b)

i) previodi une istruzion primarie proferide tes lengthis regionâls o minoritariis; o

ii) previodi che une part impuantant de istruzion primarie e sedi proferide tes lengthis regionâls o minoritariis; o

iii) previodi, te suaze de istruzion primarie che l'insegnament des lengthis regionâls o minoritariis al sedi part integrat dal curriculum; o

iv) meti in vore une des misuris previodudis dal pont i) al pont iii) almancul ai arlêfs che lis fameis lu vuelin e che il lôr numar al sedi calcolât suficient;

c)

i) previodi une istruzion secondarie proferide tes lengthis regionâls o minoritariis; o

ii) previodi une part impuantant de istruzion secondarie tes lengthis regionâls o minoritariis; o

iii) previodi, te suaze de istruzion secondarie, l'insegnament des lengthis regionâls o minoritariis tant che part integrat dal curriculum; o

iv) meti in vore une des misuris previodudis dal pont i) al pont iii) sore nomenâts almancul a arlêfs che lu vuelin o, salacor, che lis lôr fameis lu vuelin in numar calcolât suficient;

d)

i) previodi une istruzion tecniche e professionâl tes lengthis regionâls o minoritariis; o

ii) previodi che une part impuantant de istruzion tecniche e professionâl e sedi proferide tes lengthis regionâls o minoritariis ; o

iii) previodi, te suaze de istruzion tecniche e professionâl, l'insegnament des lengthis regionâls o minoritariis tant che part integrat dal curriculum; o

iv) meti in vore une des misuris previodudis dal pont i) al pont iii) sore reclamâts almancul ai arlêfs che lu vuelin o salacor, che lis lôr fameis lu vuelin in numar calcolât suficient;

e)

i) previodi une istruzion universitarie o altris formis di istruzion superiôr tes lengthis regionâls o di minorance; o

ii) previodi il studi di chestis lengthis, tant che materiis di insegnament universitari o superiôr; o

iii) se, cause la posizion dal Stât, a rivuart dai istitûts di istruzion superiôr, i ponts i) e ii) no puedin jessi metûts in vore, incoragjâ e/o autorizâ la istituzion di insegnaments universitaris e di altris formis di istruzion superiôr tes lengthis regionâls o minoritariis, o di mieçs che a permetin di studiâ chestis lengthis te universitat o in altris istitûts di istruzion superiôr;

f)

i) cjoli misuris par che a sedin fats cors di istruzion par adults o di istruzion permanent proferîts sorendut o dal dut tes lengthis regionâls o minoritariis; o

- ii) proferî chestis lengthis tant che materiis de istruzion dai adults o de istruzion permanent; o
 - iii) se i podêts publics no àn competence direte te sfere de istruzion dai adults, favorî e/o incoragjâ l'insegnament di chestis lengthis te suaze de istruzion dai adults e de istruzion permanent;
 - g) cjoli misuris par garantî l'insegnament de storie e de culture che la lenghe regionâl o minoritarie e je lôr expression;
 - h) proviodi la formazion di fonde e permanent dai insegnants necessarie par meti in vore i paragrafs di a) a g) acetâts de Part;
 - i) creâ un o plui orghins di sorevision par stâur daûr aes misuris cjapadis e ai progrès fats te istruzion e tal disvilup dal insegnament des lengthis regionâls o minoritariis e di meti jù su chescj ponts relazions periodichis che a saran rindudis di pubbliche cognossince.
- 2) In fat di istruzion e par chel che al rivuarde altris teritoris rispiet a chei dulà che lis lengthis regionâls o minoritariis a son dopradis par tradizion, lis Parts si impegnin a autorizâ, incoragjâ o istituî, se il numar di chei che a doprin une lenghe regionâl o minoritarie lu justifice, un insegnament te o de lenghe regionâl o minoritarie a ducj i nivei adats di istruzion.

Art. 9

Justizie

- 1) Lis Parts si impegnin, par chel che si inten aes circoscrizioni judiziariis dulà che il numar dai abitants che a doprin lis lengthis regionâls o minoritariis al justifichi lis misuris culì disot indicadis e daûr de situazion di ognidune di chestis lengthis e cul pat che l'ûs des pussibilitâts ufiertis di chest paragraf nol sedi calcolât tant che un pidiment ae buine aministratzion de justizie:
 - a) tai procediments penâi:
 - i) a previodi che lis autoritâts judiziariis, daûr domande di une des parts a imbastissin i procediments tes lengthis regionâls o minoritariis; e/o
 - ii) a garantî al incolpât il dirit di doprâ la sô lenghe regionâl o minoritarie; e/o
 - iii) a previodi che lis domandis e lis provis, scritis o orâls, no sedin consideradis no ricevibilis nome parcè che a son presentadis intune lenghe regionâl o minoritarie; e/o
 - iv) a produsi, daûr domande, in chestis lengthis regionâls o minoritariis, i ats leâts a un procediment judiziari; se al covente mediant di interpretis e traduzions che no implichin spesis in plui pai interessâts;
 - b) tai procediments civîi:
 - i) a previodi che lis autoritâts judiziariis, daûr domande di une des parts a imbastissin il procediment tes lengthis regionâls o minoritariis; e/o
 - ii) a permeti, cuant che une des parts in cause e à di comparî in persone denant di un tribunâl, che e dopri la sô lenghe regionâl o minoritarie cence scugnî par chel sopuartâ spesis in plui; e/o
 - iii) a permeti la produzion di documents e provis tes lengthis regionâls o minoritariis, se al covente mediant di interpretis e di traduzions;
 - c) tai procediments denant des jurisdizions competentis te materie aministrative:
 - i) a previodi che lis autoritâts judiziariis, daûr domande di une des parts, a imbastissin il procediment tes lengthis regionâls o minoritariis; e/o
 - ii) a permeti, cuant che une des parts in cause e à di comparî in persone denant di un tribunâl, che e dopri la sô lenghe regionâl o minoritarie cence scugnî par chel sopuartâ spesis in plui; e/o
 - iii) a permeti la produzion di documents e provis tes lengthis regionâls o minoritariis, se al covente mediant di interpretis e di traduzions;
 - d) a cjoli misuris par che la aplicazion dai sotparagrafs i e iii dai paragrafs b) e c) sore nomenâts e che l'ûs eventuali di interpretis e di traduzions nol implichi spesis in plui pai interessâts.
- 2) Lis Parts si impegnin
 - a) a no dineâ la validitât dai ats juridics compâts tal Stât nome par vie che a son redizûts intune lenghe regionâl o minoritarie; o
 - b) a no dineâ la validitât, tra lis parts, dai ats juridics compâts tal Stât nome par vie che a son redizûts intune lenghe regionâl o minoritarie e a previodi che si podarà oponiju ai tierçs interessâts che no cognossin chestis lengthis, a condizion che il contignût dal at al sedi pandût a chei di bande di cui che lu à fat valê; o
 - c) a no dineâ la validitât, tra lis parts, dai ats juridics compâts tal Stât nome par vie che a son redizûts intune lenghe regionâl o minoritarie.
- 3) Lis Parts si impegnin a proferî, tes lengthis regionâls o minoritariis, i plui impuantants tescj legislatâfs dal Stât e chei che a rivuardin in mût particolâr chei che a doprin chestis lengthis, fale che no sedin bielzâ disponibii in altre maniere.

Art. 10

Autoritâts administrativis e servizis publics

1) Intes circoscrizioni des autoritâts aministrativis statâls dulà che il numar di chei che a fevelin lengthis regionâls o minoritariis al justifichi lis misuris culì disot indicadis e daûr de situazion di ogni lenghe, lis Parts si impegnin, là che al è pussibil in mût resonevul, a:

a)

- i) sigurâsi che lis autoritâts aministrativis a doprin lis lengthis regionâls o minoritariis; o
- ii) sigurâsi che i lôr impleâts che a son a contat cul public a doprin lis lengthis regionâls o minoritariis tes lôr relazions cu lis personis che si indrecin a lôr in chestis lengthis; o
- iii) sigurâsi che chei che a fevelin lengthis regionâls o minoritariis a puedin presentâ domandis sedi scritis che a vôs e vê rispuoste in chestis lengthis; o
- iv) sigurâsi che chei che a fevelin lengthis regionâls o minoritariis a puedin presentâ domandis scritis o a vôs in chestis lengthis;
- v) sigurâsi che chei che a fevelin lengthis regionâls o minoritariis a puedin proferî un document redizût in chestis lengthis cun plene validitât;

b) ameti formularis e tescj aministratifs di ûs comun pe popolazion tes lengthis regionâls o minoritariis, o in version bilengâl;

c) permeti aes autoritâts aministrativis di redizi documents intune lenghe regionâl o minoritarie.

2) Par chel che si inten aes autoritâts locâls e regionâls tai teritoris dulà che al è a stâ un numar di residents che a doprin lengthis regionâls o minoritariis che al justifichi lis misuris culì dongje nomenadis, lis Parts si impegnin a permeti e/o a incoragjâ:

- a) l'ûs des lengthis regionâls o minoritariis te suaze de aministrazion regionâl o locâl;
- b) la pussibilitât, par chei che a doprin lengthis regionâls o minoritariis, di presentâ domandis a vôs o par scrit in chestis lengthis;
- c) la publicazion, de bande des autoritâts regionâls dai lôr tescj uficiâi, ancje tes lengthis regionâls o minoritariis;
- d) la publicazion, de bande des autoritâts locâls dai lôr tescj uficiâi, tes lengthis regionâls o minoritariis;
- e) l'ûs de bande des autoritâts regionâls des lengthis regionâls o minoritariis tai dibatiments des lôr assembleis, cence par altri dineâ l'ûs de(s) lenghe(is) uficiâl(s) dal Stât
- f) l'ûs de bande des autoritâts locâls des lengthis regionâls tai dibatiments des lôr assembleis, cence par altri dineâ l'ûs de(s) lenghe(is) uficiâl(s) dal Stât;
- g) l'ûs e la introduzion, salacor parie cu la denominazion te(s) lenghe(is) uficiâl(s), des formis tradizionâls e justis de toponomastiche tes lengthis regionâls o minoritariis.

3) Par chel che si inten ai servizis publics proviodûts des autoritâts aministrativis o di altris personis che a operin par cont lôr, lis Parts si impegnin, tai teritoris dulà che lis lengthis regionâls o minoritariis a son dopradis, in funzion de situazion di ogni lenghe, là che al è pussibil in mût resonevul, a:

- a) sigurâsi che lis lengthis regionâls o minoritariis a sedin dopradis tal ocasion de prestazion dal servizi; o
- b) permetiur a chei che a fevelin lis lengthis regionâls o minoritariis di presentâ une domande e ricevi une rispuoste in chestis lengthis; o
- c) permetiur a chei che a fevelin lis lengthis regionâls o minoritariis di presentâ une domande in chestis lengthis.

4) Par meti in vore lis disposizion dai paragrafs 1, 2 e 3 acetadis di lôr, lis Parts si impegnin a cjoli une o plui di une des misuris culì sot indicadis:

- a) la traduzion e la interpretazion in câs di domande;
- b) il reclutament e, salacor, la formazion dai funzionaris e di altris dipendents publics necessaris;
- c) il sodisfâ, par tant che al è pussibil, lis domandis dai impleâts publics che a cognossin une lenghe regionâl o minoritarie di jessi assegnâts tal teritori dulà che cheste lenghe e je doprade.

5) Lis Parts si impegnin a permeti, daûr domande dai interessâts, l'ûs o la introduzion de onomastiche tes lengthis regionâls o minoritariis.

Art. 11

Media

1) Lis Parts si impegnin, par chei che a fevelin lengthis regionâls o minoritariis, tai teritoris dulà che chestis lengthis a son feveladis, daûr de situazion di ogni lenghe e tai limits che lis autoritâts publichis a àn, in maniere direte o indirete, une competence, podêis o une funzion in chest cjamp, e tal rispet dai principis di indipendence e di autonomie dai media:

- a) tai limits che la radio e la television a àn une funzion di servizi public:
- i) a sigurâ la creazion di almancul une stazion radio e di un canâl televisif tes lengthis regionâls o minoritariis; o
 - ii) a incoragjâ e/o facilitâ la creazion di almancul une stazion radio e di un canâl televisif tes lengthis regionâls o minoritariis; o
 - iii) a cjoli disposizions adatis par che lis stazions di trasmission a programin emissions tes lengthis regionâls o minoritariis;
- b)
- i) a incoragjâ e/o facilitâ la creazion di almancul une stazion radio tes lengthis regionâls o minoritariis;
 - ii) a incoragjâ e/o a facilitâ la emission di programs radio tes lengthis regionâls o minoritariis, in mût regolâr;
 - c)
- i) a incoragjâ e/o a facilitâ la creazion di almancul un canâl televisif tes lengthis regionâls o minoritaris; o
 - ii) a incoragjâ e/o a facilitâ la emission di programs televisifs tes lengthis regionâls o minoritariis, in mût regolâr;
- d) a incoragjâ e/o facilitâ la produzion e la difusion di oparis audio e audiovisivis tes lengthis regionâls o minoritariis;
 - e)
- i) a incoragjâ e/o facilitâ la creazion e/o il mantigniment di almancul un orghin di stampe tes lengthis regionâls o minoritariis; o
 - ii) a incoragjâ e/o facilitâ la publicazion di articui di stampe tes lengthis regionâls o minoritariis, in mût regolâr;
 - f)
- i) a integrâ lis spesis in plui dai media che a doprin lis lengthis regionâls o minoritariis, se la leç e previôt une assistance finanziarie, in gjenerâl, pai media;
 - ii) di slargjâ lis misuris za in vore di assistance finanziarie aes produzioni audiovisivis tes lengthis regionâls o minoritariis;
 - g) a sostignî la formazion di gjornaliscj e di altri personâl pai media che a doprin lis lengthis regionâls o minoritariis.
- 2) Lis Parts si impegnin a garantî la libertât di ricezion direte des emissions radiotelevisivis dai Païs confinants intune lenghe doprade in forme identiche o parele a di une lenghe regionâl o minoritarie, e a no oponisi ae ritrasmission di emissions radiotelevisivis dai Païs confinants in chê stesse lenghe. Si impegnin ancje a sigurâ che nissune limitazion ae libertât di expression e ae libare circolazion de informazion intune lenghe doprade in forme identiche o parele a une lenghe regionâl o minoritarie no sedi imponude ae stampe. L'esercizi des libertâts soredditis che a implichin dovês e responsabilitâts al pues jessi sometût a formalitâts, condizioni, restrizioni o sanzioni previodudis de leç, che a rapresentin misuris necessariis, intune societât democratiche, pe sigurece nazionâl, pe integritât teritoriâl e pe sigurece pubbliche, pe difese dal ordin e pe prevenzion de criminalitât, pe protezion de salût e de moralitât, pe protezion de reputazion e dai dirits di chei altris, par prevignî la divulgazion di informazions riservadis o par garantî la autoritât e la imparzialitât dal podê judiziari.
- 3) Lis Parts si impegnin a sigurâsi che i interès di chei che a fevelin lis lengthis regionâls o minoritariis a sedin rapresentâts o tignûts in considerazion te suaze des struturis in câs creadis secont de leç e che a àn di garantî la libertât e la pluralitât dai media.

Art. 12

Ativitâts e imprescj culturâi

- 1) In fat di ativitâts e di imprescj culturâi - in mût particolâr di bibliotechis, videotechis, centris culturâi, museus, archivis, academiis, teatris e cines, come ancje di produzion leterarie e produzion cinematografiche, di expression culturâl popolâr, di festivals, di industriis culturâls, massime cjapant dentri l'ûs des gnovis tecnologjiis - lis Parts si impegnin, par chel che si inten al teritori dulà che chestis lengthis a son dopradis, tai limits che lis autoritâts publichis a àn competencis, podês o une funzion in chest cjamp, a:
- a) incoragjâ la expression e lis iniziativis specifichis a pro des lengthis regionâls o minoritariis e facilitâ i diviers mûts di acès aes oparis produsudis in chestis lengthis;
 - b) facilitâ i diviers mûts di acès in altris lengthis regionâls o minoritariis judant e svilupant lis ativitâts di traduzion, dopleadure, postsincronizazion e sottituladure;

- d) sigurâsi che i organisims incargâts di inviâ e prudelâ diviersis formis di ativitâts culturâls a completin in maniere adate la cognossince e l'ûs des lenghis e des culturis regionâls o minoritariis tes operazions dulà che a àn la iniziative o che ur dan jutori;
- e) facilitâ il meti a disposizion dai organisims incargâts di inviâ o di prudelâ ativitâts culturâls di personâl che al cognossi la lenghe regionâl o minoritarie, in plui de(s) lenghe(is) dal rest de popolazion;
- f) facilitâ la partecipazion direte, par chel che si inten ai imprescj e ai programs di ativitâts culturâls, di representants di chei che a fevelin la lenghe regionâl o minoritarie;
- g) incoragjâ e/o facilitâ la creazion di un o di plui organisims incargâts di racuei, di ricevi in dipuesit e di presentâ al public lis oparis produsudis tes lenghis regionâls o minoritariis;
- h) se al covente creâ o promovi e finançâ servizis di traduzion e di ricerche terminologiche cun chê di mantignî e svilupâ, in particolâr, in ogni lenghe regionâl o minoritarie une terminologje aministrative, comerciâl, economiche, sociâl, tecnologjiche e juridiche adate.

2) Par chel che si inten a altris teritoris rispiet a chei dulà che lis lenghis regionâls o minoritariis a son par tradizion dopradis, lis Parts si impegnin a autorizâ, incoragjâ e/o a previodi, se il numar di chei che a fevelin une lenghe regionâl o minoritarie lu justifiche, ativitâts e imprescj culturâi adats daûr dal paragraf precedent.
 3) Lis Parts si impegnin, te lôr politiche culturâl tal forest, a dâur un puest just aes lenghis regionâls o minoritariis e ae culture che e je la lôr expression .

Art.13

Vite economiche e sociâl

- 1) Par chel che si inten aes ativitâts economichis e sociâls, lis Parts si impegnin; pal intîr paîs, a:
 - a) escludi de lôr legislazion ogni disposizion che e dinei o che limiti cence resons validis l'ûs des lenghis regionâls o minoritariis tai documents de vite economiche o sociâl e massime tai contrats di lavor e tai documents tecnics, tant che lis istruzions par doprâ prodots o imprescj;
 - b) improibî di inserî, tai regolaments internis des impresis e tai ats privâts, clausulis che a escludin o che a dinein l'ûs des lenghis regionâls o minoritariis almancul tra chei che a fevelin la stesse lenghe;
 - c) oponisi aes pratichis che a cirin di scoragjâ l'ûs des lenghis regionâls o minoritariis te suaze des ativitâts economichis e sociâls;
 - d) facilitâ e/o incoragjâ cun altris mieçs in plui di chei previodûts tai ponts precedents l'ûs des lenghis regionâls o minoritariis.

2) In fat di ativitât economiche e sociâl lis parts si impegnin, tai limits che lis autoritâts publichis indi àn competence, tal teritori dulà che lis lenghis regionâls o minoritariis a son dopradis e te misure che al è possibil in mût resonevul, a:

- a) definî, cun lis lôr regolamentazions finanziariis e bancjariis, lis modalitâts che a permetin, tes condizioni compatibilis cu lis usancis comerciâls, l'ûs des lenghis regionâls o minoritariis te redazion dai ordins di paiament (assegns, cambiâls e vie indenant) o di altris documents finanziariis o se al covente, a sigurâ la metude in vore di chest procès;
- b) tai cjamps economics e sociâi che a son sot dal lôr diret control (setôr public), realizâ azions che a incoragjin l'ûs des lenghis regionâls o minoritariis;
- c) sigurâsi che lis struturis sociâls tant che ospedâi, lis cjasis di polse, i ospizis a ufrissin la pussibilitâ di ricevi e curâ te lôr lenghe chei che a doprin une lenghe regionâl o minoritarie che a scuegnin jessi curâts par motifs di salût, di etât o par altris mutifs;
- d) sigurâsi, daûr precisio modalitâts, che lis istruzions pe sigurece a sedin parimentri redizudis tes lenghis regionâls o minoritariis;
- e) rindi di acès comun tes lenghis regionâls o minoritariis lis informazions proferidis des autoritâts competentis a rivuart dai dirits dai consumadôrs.

Art.14

Scambis transnazionâi

- 1) Lis Parts si impegnin:
 - a) a aplicâ i pats bilaterâi e multilaterâi che a esistin che lis lein ai Stâts dulà che la stesse lenghe e je doprade in mût identic o pareli, o a procurâ di concludi pats, se al covente, di mût di facilitâ i contats tra chei che a fevelin la stesse lenghe tai Stâts interessâts, tai cjamps de culture, de istruzion, de informazion, de formazion professionâl e de istruzion permanent;
 - b) tal interès des lenghis regionâls o minoritariis, a facilitâ e/o promovi la cooperazion transnazionâl, massime tes comunitâts regionâls o locâls che tai lôr teritoris la stesse lenghe e je doprade in maniere compagne o parele.

PART IV
Aplicazion de Cjarte
Art.15
Rapuarts periodics

1. Lis Parts a presentaran in maniere periodiche al Segretari Gjenerâl dal Consei de Europe, intune forme che e sarà definide dal Comitât dai Ministris, un rapuart su la politiche praticade daûr de part II di cheste Cjarte e su lis misuris cjoltis par aplicâ lis disposizions de part II che a àn acetât. Il prin rapuart al à di sei presentât dentri dal an seguitif ae jentrade in vigôr de Cjarte a rivuart de Part in cuistion, chei altri rapuarts a dadis di trê agns daspò dal prin rapuart.
2. Lis Parts a publicaran i lôr rapuarts.

Art.16
Esam dai rapuarts

- 1) I rapuarts presentâts al Segretari Gjenerâl dal Consei de Europe daûr dal articul 15 a saran esaminâts di un comitât di esperts formât daûr dal art.17.
- 2) Organizazions e associazions costituidis in mût legâl intune des Parts contraents, a puedin reclamâ l'attenzion dal Comitât di esperts su lis cuistions leadis ai impegns cjapâts di cheste Part in fuarce de part III di cheste Cjarte. Daspò di vê sintude la Part interessade, il comitât di esperts al podarà tignî cont di chestis informazions tal preparâ il rapuart previodût tal paragraf 3 di chest articul. Chestis organizazions e associazions a podaran cun di plui presentâ declarazions sul cont de politiche praticade di une Part, daûr de part II.
- 3) Su la fonde dai rapuarts previodûts tal paragraf 1 e des informazions previodudis tal paragraf 2, il comitât di esperts al prontarà un rapuart pal Comitât dai Ministris. Chest rapuart al sarà consegnât cu lis osservazions che lis Parts a saran invidadis a presentâ e al podarà jessi publicât dal Comitât dai Ministris.
- 4) Il rapuart previodût tal paragraf 3 al varà dentri in mût particolâr lis propuestis fatis dal comitât di esperts al Comitât dai Ministris pe preparazion, se al covente, di cualsisei racomandazion di chest a une o plui Parts:
- 5) Il Segretari Gjenerâl dal Consei de Europe al fasarà un rapuart bienâl in detai ae Assemblee Parlamentâr sul cont de aplicazion de Cjarte.

Art. 17
Comitât di esperts

- 1) Il Comitât di esperts al sarà componût di un membri par ogni Part, nomenât dal Comitât dai Ministris intune liste di personis de plui alte integritât, cuntune competence ricognossude tes materiis tratadis de Cjarte, che a saran proponudis de Part interessade.
- 2) I membris dal Comitât a saran nomenâts par une dade di sis agns e la lôr incarghe e je rinovabil. Se un membri nol pues puartâ fin insom la sô incarghe, al sarà sostituût seont la procedure previodude tal paragraf 1, e il membri nomenât al so puest al restarà te funzion fin al compiment de incarghe dal so predecessôr.
- 3) Il comitât di esperts si darà un so regolament interni. La sô segretarie e sarà previodude dal Segretari Gjenerâl dal Consei de Europe.

PART V
Disposizions conclusivis

Art. 18

Chest Cjarte e je disponibil pe firme dai Stâts membris dal Consei de Europe. E sarà sogjete a ratificazion, acetazion o aprovazion. I documents di ratificazion, acetazion o aprovazion a saran depositâts li dal Segretari Gjenerâl dal Consei de Europe.

Art.19

- 1) Cheste Cjarte e jentrarà in vore la prime dì dal mês, passade la fin dai trê mês daspò de dì che almancul cinc Stâts membris dal Consei de Europe a varan pandût il lôr consens a leâsi ae Cjarte, daûr des disposizions dal art. 18.
- 2) Par ogni stât membre che daspò al pandarà il so consens a leâsi ae Cjarte, cheste e jentrarà in vore la prime dì dal mês, passade la fin dai trê mês daspò de dì dal dipuesit dal document di ratificazion, acetazion o aprovazion.

Art.20

- 1) Daspò de jentrade in vore di cheste Cjarte il Comitât dai Ministris dal Consei de Europe al podarà invidâ ogni Stât no membri dal Consei a aderî ae Cjarte.
- 2) Par ogni stât aderent, la Cjarte e jentrarà in vore la prime dì dal mês, passade la fin dai trê mês daspò de dì dal dipuesit dal document di adesion alî dal Segretari Gjenerâl dal Consei de Europe.

Art.21

1) Ogni Stât al pues, tal moment de firme o tal moment dal dipuesit dal so document di ratificazion, di acetazion, di aprovazion o di adesion, proferî une o plui riservis ai paragrafs dal 2 al 5 dal articul 7 di cheste Cjarte. No je ametude nissune altre riserve.

2) Ogni Stât contraent che al à proferide riserve in fuarce dal paragraf precedent al pues ritirâle dal dut o in part notificantlu al Segretari Gjenerâl dal Consei de Europe. Il ritirâsi al varà efiet cu la date dal riceviment de notificazion de bande dal Segretari Gjenerâl.

Art.22

1) Ogni Part e pues, in ogni moment, denunciâ cheste Cjarte mediant di notificazion al Segretari Gjenerâl dal Consei de Europe.

2) La denuncie e varà efiet de prime dì dal mês, passade la fin dai sîs mês daspò de dì dal riceviment de notificazion de bande dal Segretari Gjenerâl.

Art. 23

Il Segretari Gjenerâl dal Consei de Europe al notificarà ai Stâts membris dal Consei e a ogni Stât che al vedi aderî a cheste Cjarte:

- a) ogni firme;
- b) il dipuesit di ogni document di ratificazion, acetazion, aprovazion o adesion;
- c) ogni date di jentrade in vore di cheste Cjarte daûr dai art. 19 e 20;
- d) ogni ratificazion ricevude seont des disposizions dal articul 3, paragraf 3;
- e) ogni altri at, notificazion o comunicazion a rivuart di cheste Cjarte.

Par testemoneance di chest, chei che a àn firmât sot vie, autorizâts a chest fin, a àn firmât cheste cjarte.

Fat a Strasburc ai 5 di Novembar dal 1992, par inglês e par francês, i doi tescj a son ducj e doi autenticis, intun sôl exemplâr che al sarà in dipuesit tai archivis dal Consei de Europe. Il Segretari Gjenerâl dal Consei de Europe al trasmettarà copiis certificadis a ogni Stât membri dal Consei de Europe e a ogni Stât invidât a aderî a cheste Cjarte.